

Ko te ingoa mo te Pariha hou—ko te Ngae—nga take i tika ai—(1) E puta ana mai i te ngae he oranga mo te Pariha. (2) Ko waenga nui tena o te Pariha. Whakaaetia ana.

IX. Tetahi wahi o te moni o te Ngae mo Ohinemutu.

Na Tiakiawa i motini na Raimona i tautoko kia £23 o te moni o te Ngae mo te Pariha o Ohinemutu.

Whakaaetia ana.

X. Mema mo te Puke ki roto i te Komiti Tumuaki.

Na Rewi i motini na te Uara i tautoko:—

Kia whakaaetia ano e tenei Huinga o te Komiti, tetahi mema ano mo te takiwa o Rangiruru ara mo te Puke ki roto o te Komiti Tumuaki.

Whakaaetia ana.

Tiamana:—Ko te whakatuturutanga o tenei mema na te Komiti Nui i Nepia e whakahe mai.

Mo nga Karakia ki Murupara.

I runga i te patai a te Tiamana e pehea ana nga whakahaere karakia ki Murupara. Ka whakamarama a te Māhira kai nga mara e 5 nga Ratapu ka tae ia i te Ratapu mutunga, a i tetahi mara pera ano nga Ratapu ko te Rotoiti ia (Alternately)

XI. Nga Whenua a te Hahi.

Na te Uara i motini na Paora Rangihio i tautoko:—

Kia riro na nga mangai Rehuana me nga mimita e tae ki te Hui a te Hinota ka tu ki Nepia e uiui te ahua o nga moni me nga whakahaere o nga whenua a te Hahi.

Wharekahu

i Maketu

Tauranga (te Kainga, etc.)

i Tauranga

Pouriao

i Ruatoki

Whakaaetia ana.

XIII. Mihi ki te iwi Kainga.

He nui te mihi a nga mema me te Tiamana ki te pai o te manaaki a te huinga Kainga i nga mema o te Komiti, me te tumanako hoki kia tau kia ratou nga manaakitanga maha.

XIII. Mihi ki te Tiamana.

Na Wiremu Kingi i motini na te Waaka i tautoko. Kia puta he mihi na tenei huinga o nga mema o te Komiti Tumuaki mo te kaha o te Tiamana i tona mate nui, i pa nei ki a ia, me tona kaha hoki i tae mai ai ia ki tenei huinga.

Whakaaetia ana.

Tiamana:—Kupu whakaboki poto i te mihi—me te whakapai ki nga whakahaere o te Hui—a te Komiti Tumuaki.

He mea whakamutu te hui ki te inoi.

RAIMONA HERETAUNGA.

Hekeretari.

KOMITI TUMUAKI.

ATIRIKONATANGA O HAKI PEI.

I tu te hui tuarua a tenei peka o nga Komiti Tumuaki a te hahi ki te tari o te Pihopatanga i Nepia i te 10 o nga huora i te ata o te Weneri te 20 o nga ra o Hurae, 1927.

Ko nga mema enei i tae mai:—